

Headlines

- पुंछ जिले च पुलसै आतंकवाद रोधी अपने अभियान तैहत् अज्ज केई थाहरें छापेमारी कीती।
- श्री अमरनाथें दी यात्रा दरान सुरक्षा बंदोबस्तें गी निग्गर बनाने लेई सुरक्षा बल एकती पैहली बारी चेहरे राएं पंछान करनी आली एफआरएस प्रणाली दा इस्तेमाल करै करदे न।
- सूचना ते प्रसारण सचिव होरें जम्मू कश्मीर दी सांस्कृतिक बनसबन्नता गी उजागर करने लेई बक्ख-बक्ख प्रांते पर आधारित कार्यक्रम तैआर करने पर जोर दित्ता ऐ।
- ट्रांसपोर्ट मंत्री सतीश शर्मा होरें आखेआ ऐ जे सरकार दा मकसद केन्द्र शासत प्रदेश गी रमानदारी, सद्भाव ते खुशहाली दी बत्तै पर तेजिया कन्नै अगड़े लेई जाना ऐ।

<><><><><><>

Anti Terror-Raids

जम्मू कश्मीर पुलसै अज्ज सरहदी जिले पुंछ च अपनी आतंकवाद रोधी म्हीम तैहत् केई थाहरें छापेमारी कीती। एह छापेमारी सावजिया सेक्टर दे गागरियां ते कन्नै लगदे होर दुए इलाकें च कुल 8एं थाहरें पर कीती गेई। अधिकारिक जानकारी मूजब पुलसै आतंकी ढांचे गी खत्म करने ते पाकिस्तान आधारित आतंकी संगठनं दिएं साजशें गी नकाम करने लेई बड्डे पैमाने पर कारवाइयां शुरू कीती दियां न तां जे समाज विरोधी ताकतें, आतंकवादिएं ते आतंकी संगठने कोला बाहर रेइयै कम्म करने आले ओवर ग्राउंड वर्करें ते समर्थकें दी नकेल कस्सी जाई सकै। आम तौरा पर इब्बी दिखने च औंदा ऐ जे आतंकी संगठन बेरोजगार नोजवानें गी गुमराह करियै उंदा इस्तेमाल भन्नत्रोड़ आलिएं गतिविधिएं लेई बी करदे न। इस्सै म्हीने दे शुरू च इस्सै चाल्ली दी ओवर ग्राउंड वर्करें दी घर-पकड़ लेई कोई 5 दर्जन थाहरें पर छापे मारे हे।

<><><><><><>

Facial Registration Tech

3 जुलाई गी शुरू होआरदी श्री अमरनाथ जी दी यात्रा गी पूरी चाल्ली सुरक्षत ते बवस्था आले ढंगै सिर तोड़ चाढ़ना जकीनी बनाने लेई सुरक्षा बलें ऐकती पैहली बारी चेहरे दी पंछान करने आली तकनीक दा इस्तेमाल करने दा फैसला कीता ऐ। एहदा मकसद कुसै आतंकी हमले दे खतरे खलाफ सुरक्षा बवस्था गी होर निग्गर करना ऐ। एह प्रणाली कुसै संदिग्ध जां ब्लैक लिस्ट कीते गेदे आदमी दी पंछान करने लेई इस्तेमाल कीती जा'रदी ऐ। इस प्रणाली दी खास गल्ल एह ऐ जे कि जेकर कोई ब्लैक लिस्टिड आदमी कैमरे दी निगाह च औंदा ऐ तां सुरक्षा बलें गी उसलै सतर्क करी दित्ता जाग। एह नमीं बवस्था पैहले संजा चलै करदी सीसीटीवी कैमरे दी सुरक्षा ते आरएफआईडी कार्ड आली सुरक्षा दे इलावा ऐ जेह्दी संदिग्ध लोकें दे कैमरे दे फ्रेम च औंदे गै झट उंदी पंछान करी लैग। इस तकनीक गी फेशियल रिकग्नीशन सिस्टम आखेआ जंदा ऐ।

<><><><><><>

Dharti Aabha(byte)

धरती आभा जनजातीय ग्राम उत्कृष्ट अभियान दे इक हिस्से दे तौर पर उधमपुर जिला प्रशासन नै डिप्टी कमीशनर सलोनी राय हुंदी अगुवाई च जिला सतह दा इक जागरूकता शिविर दा आयोजन कीता। रिवायत हाल च आयोजित इस कैप दा उद्घाटन सलोनी राय होरें कीता। जेहदा मकसद सरकार आस्सेआ चलाई जा'रदी योजनाएं दी पुज्ज जनजाति समुदाय दे खीरले म्हीने तोड़ी पजाना जकीनी करना ऐ। तां जे सेहत, शिक्षा, माली समावेश, समाजी सुरक्षा ते औंदन दे सादन दा ओह पूरा पूरा लाह ठोआई सकै। इस दिशा च शिविर च आधार, राशन कार्ड, आयुष्मान भारतसेहत कार्ड ते पेंशन लेई योग्य लाभार्थिएं दा पंजीकरण जनेही सहूलतां मौके पर गै उपलब्ध करोआइयां गेइयां। एहदे अलावा पीएम-किसान, मुद्रा लोन, मनरेगा जनेही योजनाएं बारे व्यापक जानकारी बी उपलब्ध करोआई गेई। इस मौके पर बोलदे होई डीसी उधमपुर सलोनी राय होरें आखेआ.....

<><><><><><>

Dhan Deh(byte)

डुगगर दी रिवायती धमदेह दा ध्यार अज्ज समूलचे जम्मू प्रांतै च पारम्पारिक श्रद्धा भाव कन्नै मनाया जा'रदा ऐ। इस म्हीने दी पैहली तरीक गी औने आले इस ध्यार दे मौके लोक अपने पित्रें दे नां दान पुन्न करदे न, विशेषविधि विधान राएं घड़े, पानी, मौसमी फल, पक्खियां ते गर्मी च बरताने आला होर दुआ समेयान उंदे नमित संकल्प करियै मन्सदे न। इस मौके अज्ज शैहरे नग्गरे, बजारें, मंदरें ते होरने थाहरे ठंछे पानी शरबत दियां छबीलां ते लंगर बी लग्गे दे हे, जिंदे च लोकें मते जोश ते श्रद्धा कन्नै शिरकत कीती

<><><><><><>

Prog. Ann(Yoga Day)

आकाशवाणी जम्मू दा क्षेत्रीय समाचार, एकांश अंतराष्ट्रीय योग दिवस पर 20 मिंटे दा इक खास कार्यक्रम पेश करा करदा ऐ। जेहदा प्रसारण 18 जून गी बडलै 7 बज्जियै 10 मिंट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगंन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगंन। एह कार्यक्रम तुस मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

Secy I&B

सूचना ते प्रसारण मंत्रालय दे सचिव संजय जाजू होरें जम्मू कश्मीर दे सांस्कृतिक लोकचार गी बढ़ावा देने दे मकसद कन्ने खित्ते साब्वै ते मकामी कार्यक्रमें दे निर्माता पर जोर दितता ऐ। श्रीनगर च आकाशवाणी ते दूरदर्शन दे कार्यक्रम ते समाचार एकांश दे कम्में काजें दा जायजा लैंदे होई जाजू होरें कश्मीर खित्ते च सब्बने मीडिया इकाइएँ समाचार ते कार्यक्रमें गी मकामी भाषाएं च बनाने लेई प्रोत्साहित कीता तां जे मकामी पुज्ज ते दर्शकें ते श्रोताएं कन्नै राबता होर बेहतर कीता जाई सकै। सचिव होरें आखेआ जे जम्मू कश्मीर जनेह खित्ते च लोक प्रसारण छड़ा जानकारी देने लेई गै नेई सगुआं लोकें गी प्रेरित करने आला होना लोड़चदा।

<><><><><><>

Satish (byte)

ट्रांसपोर्ट मंत्री सतीश शर्मा होरें अज्ज आखेआ जे सरकार दा मकसद जम्मू कश्मीर गी रमानदार, सद्भाव, भाईचारे ते खुशहाली दी बत्तै पर तेजिया कन्ने अगड़े लेई जाना ऐ। अज्ज श्रीनगर च इक साइकल रैली गी झंडी दस्सियै रवाना करदे मौके उनें आखेआ जे देशे दी तरक्की, रमानदारी ते खुशहाली च हर इक नागरिक दा योगज्ञान होंदा ऐ ते असें सब्बने गी किट्ठे रलियै, इक मिक्क होइयै समाज गी अगड़े लेई जाना ऐ। उनें आखेआ जे उत्तर अब्दुल्ला हुंदे अगुवाई आली सरकारै सदा गै राष्ट्रीय एकता सद्भाव ते विकास दी भावना कन्नै कम्म कीता ऐ। समीश शर्मा होरें आखेआ

<><><><><><>

JMC-Street Play(byte)

समाज च जागरूकता बधाने दे मकसद कन्नै जम्मू नगर निगम नै कला, संस्कृति ते भाषाएं सरबंधी अकादमी कन्नै रलियै रघुनाथ बजार च इक नुक्कड़ नाटक दा आयोजन कीता जेहदा नांह ऐ “ना थप्पड़ से—ना गाली से—सब समझाएं गे ताली से”। स्वच्छ भारत मिशन 2.0 शैहरी दे मिशन डरैक्टर डॉ. देवांश यादव हुंदी दिक्ख—रिक्ख च आयोजित इस पैहलकदमी दा मकसद लोकें च साफ सफाई गी लेइयै जागरूकता बधाना ते सकारात्मक बदलाह लेई उंदा दिल बधाना हा। नाटक च हस्सी मजाक नेई रखने दी माड़ी आदतें गी उजागर कीता गेआ, इस मौके पर इक कलाकार नै आखेआ

<><><><><><>

Viksit Krishi

स्कास्ट जम्मू दे बैनर हेठ कृषि विज्ञान केन्द्र सांबा नै कामयाबी कन्नै विकसित कृषि संकल्प अभियान गी अंजाम दित्ता जेहड़ा केन्द्री राई-बाई मंत्रालय आस्सेआ रंभेआ गेआ हा। स्कास्ट जम्मू दे वाइस चांसलर प्रो. बी.एन.पिाठी हुंदी दिक्ख-रिक्ख च इस अभियान तैहत् केई कार्यक्रम दा आयोजन कीता गेआ। जेहड़ी सिद्धे तौरा पर अगुवाई जिला नोडल अधिकारी संजय खजूरिया ते लायंट नोडल अधिकारी राकेश खजूरिया होरें कीती। सांबा जिले च विकसित कृषि संकल्प अभियान दे समापन दे मौके पर बोलदे होई प्रो. संजय खजूरिया होरें आखेआ

<><><><><><>

Employment Mela

उधमपुर दे नोजवानें च स्वरोजगार ते उद्यमता गी बढ़ावा देने लेई जिला रोजगार ते परामर्श केन्द्र नै जिला प्रशासन दे सैहयोग कन्नै कल मिशन युवा तैहत् इक रोजा उद्यमता ते लागरुकता मेले दा सरिस्ता कीता। इस आसयोजन दा मकसद मकामी नोजवानें गी सरकारी ते प्राइवेट नौकरिएं पिच्छे खज्जल होइयै अपना टैम जाया करने दे बजाए आपूं अपनी मर्जी ते दिलचस्पी दा कोई कम्म शुरू करने लेई प्रेरत करना हा तां जे ओह अपना कम्म कारोबार शुरू करियै ना छड़ा आपूं आत्मनिर्माण बनने सगुआं होरने लोकें गी बी कम्म रोजगार देन। इस मेले च नोजवानें बड़ी दिलचस्पी कन्नै हिस्सा लैता ते सरकार दिएं स्वरोजगार योजनाएं बारे जानकारी हासल कीती। इस मौके अपने संबोधने च उधमपुर दियां जिला विकास कमीशनर सलोनी राय होरें युवाएं दे सशक्तिकरण दे जिला प्रशासन दे धेइयै गी पही पक्का कीता

<><><><><><>